

PROGRAMMA

QVO

RECTOR

UNIVERSITATIS ROSTOCHIIENSIS

BERNHARDUS

BARNSTORFFIUS,

Med. Doct. Prof. P. & Poliater,

JESUM

VINCULIS cruciatuum & mortis

SOLUTUM, deque victis ac vinctis hosti-

bus gloriose TRIUMPHANTEM,

Seriò meditandum proponit,

*Civèsque Omnes ac Singulos, ut hóc Paschali tempore sedulò
id agant, quâ decet pietate hortatur.*



ROSTOCHII,

Typis JOHANNIS WEPPLINGII Univ. Typogr.



Ta se habet multarum rerum venustas, ut ex oppositâ deformitate, splendoris augmentum capiat, multoque clariores excellentiæ suæ radios ad objectas turpitudinis tenebras spargat. Quid cœlo favente & innubi lætius; minus tamen esset, nisi formâ hanc ei commendabilē nigrarū nubiū faceret deformitas. Solem etsi pulcherrimum, multo tamen gratiorem obscura nox reddit, neque adspectum lucis ea comitaretur animi nostri serenitas, nisi spissarum tenebrarum horrorem undique diffusis radiis pelleret. Æstatem ex se amœnissimam, plurimum tamen hiems commendat, & glacialia illa marmora, canæque nivis inamœnum velamen. Non afficiunt adeo animum lætissima quæque, nisi quæ antegressi mœroris molestiarumve sequuntur tædium. Sine bello non datur victoria, nulli triumphu sine Marte, lætitiaque triumphantium & gloriæ splendor omnis, ex superatis laboribus herculeis, periculisque vitæ præsentissimis, ceu natali solo nascitur. Ita pariter, prægressi labores, dolores & cruciatus, qui dirissimè habuerunt Jesum Servatorem, augent gloriosissimè resurgentis, deque hostibus victis vinctisque triumphantis splendorem. Servilis forma commendat Majestatem incomparabilem, ignominia gloriam, vincula victoriam. Quem nudius tertius in crucem execrabilem actum, lanceâ & clavis crudeliter penetratum, vibicibus planè lividum, inter latrones flagitiosè meritos suspensum, gravique sarcinâ peccatorum universi generis humani onustum, tristi vultu & contritâ mente aspeximus, luximus: Eundem hoc ipso die, veluti justitiæ Solem ex terræ visceribus & infernali abyssu prodeuntem, comis victoriosus radiantem, Tartareisque spoliis & trophæis coruscantem veneramur, deque tanto salutis Reparatore toto pectore lætamur. Triumphorum apud omnes gentes solemnitas & pompa semper quidem fuit maxima. Alexandro Magno Babylonem triumphando ingrediente, totum iter floribus constratum erat, argenteis altaribus ab utroque latere dispositis, quæ thure omnibusque odoribus



58700 (26)

odoribus cumulata fumabant, leonesque ac pardales caveis inclusi præferebantur. Et meritò Romanorum cumprimis splendidissimè actos admiramur triumphos. Quando nimirum Imperatori decretus à Senatu hic honor erat, dictà die in urbem portà triumphali admissus, ornamenta triumphalia magnificentissimè ostentabat. Currum, cuius fastigium bracteis aureis decorabatur, quatuor albi equi ducebant, quin leones etiam, elephanti, tigrides, cervi, prout vel furorem indomitum, vel pavorem hostium exprimere satagebant; Tempora triumphali corona superbiebant, non imperatoris solum, sed & militum, imo & equi currusque hoc ornamento fulgebant; Sceptrum exebore, aquilam in summitate tenens, elata versabant manus. Præterea ad pascendos voluptate animos, oculosque explendos, urbium, montium, fluviorum, regionumque subactarum nomina & imagines, spolia item & exuviae hostibus detractæ ostentabantur.

*Ostentare suos (ita Claudianus) prisco si more labores,
Et gentes cuperent bulgo monstrare subactas,
Certarent utroque pares à cardine laurus.
Hæc Alemannorum spoliis, Australibus illa
Ditior exuviis, illic flāscente Sicambri
Cæsarie, nigris hinc Mauri crinibus irent.
Ipse albis veheretur equis, curumque secutus
Laurigerum, festo fremuisset carmine miles:
Hi famulos traherent reges, hi facta metallo
Oppida, vel montes, captivæque flumina ferrent,
Hinc Libyci fractæ lugerent cornibus amnes,
Inde catenato gemeret germania Rheno.*

Et quod memorabile cumprimis est, Duces ex hostibus captivi, catenis onerati tonsique traducebantur, amissamque sic cum libertate dignitatem loquebantur. Quod si in acie interempti, vel fugâ dilapsi essent, imagines eorum aut vultus præferri solebant, & sub triumphantis pedibus effigiari; idque omne, inter applausus, & acclamationes populi undiquaque confluentis maximas. Verum enim vero, quicquid triumphalis in historiâ quacunque splendoris est, id Solis hodie illucescentis radiis obfuscatur subitò. Etenim, seu Victorem, seu hostem devictum triumphoque ductum spectes, victoria incomparabilis, triumphus plane admirabilis est, ad quem omnis

pompa triumphalis, usitataque magnificentia vilescit comparata. Sanè, mortales erant qui triumphabant, utut in summo rerum fastigio collocati, unde tam in ipsa pompâ, quam convivio triumphali suggereretur à quopiam id jussu sonorâ voce: *respice post te*: quò hominem se esse etiam in sublimissimo curru (ceui loquitur Tertull.) triumphans admoneretur. Commendat Homerus Achillem de hostibus triumphantem; eundem verò ad præsagium de imminente morte exhorruisse refert. Ad hæc, fortunæ volubilitatem pertimescere semper opus il- liserat, haut ignaris, in apice jam constitutum, ad ima mox dejici posse; quapropter à tergo triumphantis Romano more, stare carnifex solebat, qv̄i fortunam, exorata gloriæ carnificem, repræsenteret: explicante ita hunc ritum Plinio. Induperator vero noster, dominantium Dominus, regumque omnium Rex audit, cujus ut vita perennis, ita corona immarcessibilis & gloria verè immortalis est, qui mortem non tantum non extimuit, sed & eandem comminuit, confregit, devoravit, ita ut vires re- sumere neutiquam possit. Mutet in humanis rebus fortuna vices & tempora; hîc vicissitudini adeo non datur locus, ut perpetuus in omnem æternitatem agatur triumphus. Majesta- tem itaque gloriosissimè triumphantis quod adtinet, ineffabi- lis utiq; est, ita ut ad eam relata qualiscunque pompa mundana, ex- quisitissimè licet sumptuosissimeque adornata, uix dici umbra mereatur. Testatam quadantenus eam facit, ministrorū, naturæ excellentiâ omnem mortalium splendorem longissimè exce- dente præfulgentium, Angelorum scilicet caterva, quorum alii Victori triumphos junctis plausibus lætabundis accinunt, alii gaudio tripudiant, lauros alii ac palmas modo suo præferunt, alii augustum cœlestium florū nimbū plenīs manibūs inspergunt, verbo: gloriæ incomparabilis fulgore repleta hic sunt omnia. Fide indigna & ridicula sunt, quæ narrant fabularum conditores antiqvissimi, de Briareo gigante, magnitudine corporis & robore mortales omnes reliquos antecellente, centimano, tot clypeis strepente, totidemq; enses vibrante: miris modis extollunt Her- culem ἀλεξιαχὸν i. e. malorum depulsores, veteres; laudantur magno numero Historicis Heroës magnanimi, qui spiritu factisq; heroicis communem excedentes mortalium sortē, hostium mo-
limina

limina singulari virtute declinavere. Ast vana hæcce omnia & ad
 hanc potentiam relata, nulla sunt. Hic verè immensæ fortitudinis
 & geminæ quidem substantiæ gigas Deus & homo est; hic verus
 ἀλεξιαχός, malorum averruncator omnium felicissimus, qui non
 Centauros fictos, Stymphalidas volucres, Geriones, leones Cleo-
 næos, Erymantheosve apros, sed tricipitem Cerberum, horri-
 bilem Beelzebub, luctificum Behemothum, ipsum senecionem
 Acheronta, cum totâ Sathanicâ cohorte, victos, vinctos, prostra-
 tos in triumphum duxit, nosq; durissimis mortis carceribus man-
 cipatos, pretioso sanguinis lytro exsoluto, faucibus orci ereptos
 veræ libertati restituit. Non in lernæam paludem, vel Augiæ sta-
 bulum, sed infernalem abyssum se demisit, macerieq; sic disruptâ,
 captivam captivitatem duxit. Aurelianus memorant Elephan-
 tos, Leones, Tigrides debellasse. Jesus reviviscens vicit Elephan-
 tum: scilicet, sagaci huic beluæ, quæ Plinio atq; Eliano testibus, re-
 ligione singulari crescentem lunam veneratur, & insidiantium
 conamina miris modis eludere novit, dum prudentiâ venatoris
 majori vincatur, mundum conferimus; qui augmenta crescen-
 tis potentiae & opum, ceu numen propitium adorat, Jesumq; Ser-
 vatorem, adversâ consiliorum in fraudem compositorum multi-
 tudine opprimere tentabat; deceptus tamen & suamet fraude vi-
 ctus, majori virtuti succubuit. Elephantorum quoq; vari-
 us in bellis olim fuit usus. Memorabile est, quod de Antiocho Re-
 ge historia sacra refert (1. Maccab. 6.). Duxerat is contra Machabæ-
 os Principes numerosissimum exercitum, centum millia peditū
 & viginti millia equitum, elephantorum simul triginta duos, ad
 ineunda prælia eruditos. Huic Judas Machabæus cum suis itidem
 copiis in occursum venit. In ipso autem congressu & ardore præ-
 lii, vidit Eleazar unam de bestiis loricatam lorici regis, & erat eminens
 super ceteras bestias, & visum est ei, quod in ea esset Rex, & dedit se, ut li-
 beraret populum suum, sibiq; nomen acquireret in æternum. Et currens
 ad eum audacter in medio legionis, stragem edens à dextris & à sinistris
 & cadebant ab eo huc atq; illuc. Et successit pedibus elephantis, suppo-
 suitq; se ei, & occidit eum, ceciditq; in terram super ipsum & mortuus
 ille est. Hunc elephantum regium fortissimus Eleazar noster
 prostravit. Vehabantur hæc belua, ducum maximi, peltis aureis
 armati, Annas, Caiphas Pontifices, Rex Herodes, Pontius Præ-
 ses;

ses ; singuli speciosa ratione Christum addicebant morti, illi ut blasphemum, iste ut stultum, hic velut hominum plurimorum suffragiis damnatum. Hâc armatura mundus velut turritus elephantis in Christum ibat; ex hujus belluæ turri, quatuor-viri illi, judices iniquissimi in innocentem depugnabant. Sed cæsus est Elephas, judices dejecti, prostratus est mundus, ejusq; machinationes omnes factæ sunt irritæ. Non saxum ostio sepulti advolutum, non magno numero armati milites, unius mortui custodes obstare poterant : surrexit mortuus, illic ceciderunt. Vicit Eleazar noster jureq; meritissimo proclamat victor : *confidite ego vici mundum*. Præterea vicit etiam reviviscens Jesus leonem; ast illum qui *rugiens circuit quærens quem devoret*, de quo antea dictum. Vicit crocodilum, mortem scilicet. Cibo piscium, aut humanæ carnis cujus est appetentissimus (referente Plinio & Eliano) crocodilus jam satur, cum ad somnum se componit in litore, avis parva, quæ Trochilus vocatur, exporrectam beluam ad hiandum invitat, pabuli sui gratiâ; & primum quidem os ejus assultim purgans, mox dentes, & intus fauces quoque ad hanc scabendi dulcedinem maximè patulas oberrat. In hâc voluptate crocodilum somno pressum conspicatus Ichneumon serpens, per easdem fauces ceu telum quoddam immissus, alvum erodit. Quis ichnevmonem alvo crocodili inersum conspiciens, non putet victum & absorptum? Sed hæc callidi serpentis est victoria; dum hostis faucibus deglutitur, hostem perimit. Ita planè mors Christum glutiit, sed ita quoq; victoriam amisit. Serpenti semet ipse comparat Servator: *Sicut Moses exaltavit serpentem*, ait, *ita oportet exaltari filium hominis*. Capitalissimus Ejus hostis mors est, Christus enim se vitam affirmans, inquit: Ego sum via, veritas & vita. Quid ergo mirum, gravissimis odiis mortem & vitam dissidere? Subeundo autem mortem, destruxit eandem, nobisq; æternitatis aditum reſeravit. Hi itaq; sunt hostes, de quibus hodiè triumphat Jesus noster. Colligite ex hinc Cives optimi, victoriæ magnitudinem, triumphiq; gloriâ, lætabundâ voce acclamantes triumphatori Paulinum illud *Ἡ νίκη* : absorpta est mors in victoriam, triumpho ducta infernalis potestas omnis. Ubi est, mors, stimulus tuus? Ubi tua inferne victoria? Deo autem gratia, qui tribuit nobis victoriam per Dominum nostrum JESUM CHRISTUM. Nostra sane

res agebatur: *Expers peccati Christus*, inquit Ambrosius triumphum hunc describens, cum ad ima Tartara descenderet, seras januasque confringens, vincas peccato animas, mortis dominatione destructâ, ex Diaboli rictu eruas, ad vitam reduxit. Unde Cyrillus ait: mortem aspectu hujus victoris exterritam, subito ligandam se ultro exhibuisse. Scilicet, semetipsum mortis vinculis mirabili potentiâ solvens Jesus, nos simul solvit, dimittingue fecit. Receptus apud Judæos olim ritus fuit, solvendi vinculis reos in Festo Paschatos, non habitâ certorum delictorum ratione: siquidem & maximè facinorosis, gratiâ impunitatis facta, quod vel ex Barrabæ, hominis seditiosi & homicidæ, quem ipsa lex Mosis occidi jubebat, liberatione ab Evangelistis descripta colligere licet. Obtinuit postmodum ritus iste apud Christianos etiam veteres, inq; Ecclesiam ex Synagogâ transiit, utut cum reorum aliquo discrimine, id quod vel ex Imperatorum Augustissimorum legibus patet. Ita enim codex Justin. (lib. I. Tit. IV. de Episcopali Audientia L. I.): *Exequantur judices quod indulgere consuevimus, ubi primus dies Paschalis extiterit, nullum teneat carcer inclusum, omnium vincula dissolvantur. Sed ab his secernimus eos, à quibus contaminari potius gaudia letitiarq; communem, si dimittantur, animadvertimus. Quis enim sacrilego diebus sanctis indulgeat? Quis adultero, vel stupri incestive reo, tempore castitatis ignoscat? Quis non raptorem virginis in summa quiete & gaudio communi persequatur instantius? Nullam accipiet vinculorum requiem, qui quiescere sepultos quadam sceleris immanitate non finit; patiatur tormenta veneficus, maleficus, adulter, violatorve moneta, homicida, parricidaq; quod fecit, semper expellet: Reus etiam Majestatis de Domino, adversus quem talia molitus est, veniam sperare non debet &c.* Ad quē tamen locum notat celebris Ictus Gothofredus, hujusmodi liberationē, relaxationem fuisse potius, quā verā dimissionem. Sine dubio à Christianis sancta hæc observatio custodita est in honorem salutaris Dominicæ passionis, ut nimirum in diebus illis, quibus mundi Servator miseratione Divinâ reclusis inferni carceribus, peccatores cujuscunq; generis omnes, æternæ mortis vinculis merito suo detinendos, liberavit, humana quoque clementia supernæ bonitatis imitatrix esset; id quod Judæorum quoq; insinuavit ritus. Maximo itaq; nobis solat io hæc mortis victoria in adversis omnibus est. Sanè, Job vermibus

scatu-

scaturiens, carnibus jam Corrosis, omni pectore abacto, liberis
 ruinâ domus obtritis, vix jam ossibus hærens, animâ incorpore ul-
 ceroso & in extremis pene labris malè morante, in fimeto velut
 in sepulchro compositus, canit tamen: *Scio, quod Redemptor meus*
vivit, & in novissimodie de terrâ surrecturus sum. Nos quidem, quan-
 ta Jobus vix unquam patimur, nihilominus eandem Jobi spem in
 sinu repositam habemus, scientes, quod & Redemptor noster vi-
 vat, quem visuri, & oculis nostris conspecturi sumus. Quidni ergo
 lætissima nobis existat dies hæc? Excipiendus omnino ex lege tri-
 umphali, quæ victoribus acclamationes, ovationes, κηρύγματα,
 solemnia festa destinat, Servator noster triumphans erit. Et accla-
 matione quidem lætâ delectatur Victor hic gloriosissimus; attamen,
 mentem ad obediendum sibi promptam, gratitudinis præci-
 puè signū desiderat. Gentiles, victoribus non triumphos tantum de-
 crevisse, sed & alia gratitudinis documenta exhibuisse Plutarchus
 testatur. Demonstremus & nos pariter, spontaneo potissimum pie-
 tatis, quod requirit, exercitio, ceu acceptissimo gratitudinis testi-
 monio, quanti partâ nobis victoriam æstimemus. Audite Paulū, qui
 ubi resurrectionis victoriosæ mysteriū, compluribus argumentis
 affirmasset, excitandis ad virtutem Christianis addit sequentia: *Deo*
autem gratias, qui dedit nobis victoriam per Dominum nostrum Jesum Christū.
Itaque, fratres mei dilecti, stabiles estote & immobiles, abundantes in opere Domini
semper, scientes, quod labor vester non sit inanis in Domino. Quemadmodum Chri-
stus surrexit à mortuis per gloriam Patris, ita & nos in nobilitate ambulemus. Hoc
scientes, quod vetus homo noster semel crucifixus, ut destruat corpus peccati, nec
ultra serviamus peccato (1. Cor. 15. Rom. 6.). Hæc genuina declaran-
 dæ Sospitari nostro gratitudinis ratio est, ne scilicet carni ampli-
 us & mundo imo Sathanæ serviamus, veræ libertati virtute trium-
 phantis Jesu restituti. Resistamus ergo Sathanæ, quia resistendo
 vincimus. Vincamus nostro modo mundum fallacem, car-
 nemque morosè repugnantem; & sic non timebimus mor-
 tem, victoriæq; Servatoris à morte, mundo, & Sathanâ par-
 tæ, reddemur verè participes. P.P. Sub Sigillo Rectorali
 A. MDC LXXXVII. d. 27. Martii.

